



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL Rheoliadau Iechyd Anifeiliaid Dyfrol a Rhywogaethau Estron
mewn Dyframaeth (Diwygio) (Ymadael â'r UE) 2018

DYDDIAD 19 Tachwedd 2018

GAN Julie James AC, Arweinydd y Tŷ a'r Prif Chwip

**Rheoliadau Iechyd Anifeiliaid Dyfrol a Rhywogaethau Estron mewn Dyframaeth
(Diwygio) (Ymadael â'r UE) 2018**

Cyfraith yr UE a ddargedwir sy'n cael ei diwygio

- Rheoliad y Comisiwn Rhif 1251/2008 sy'n gweithredu Cyfarwyddeb y Cyngor 2006/88 mewn perthynas ag amodau a gofynion ardystio ar gyfer rhoi ar y farchnad a mewnforio i'r Gymuned anifeiliaid dyframaeth a'u cynhyrchion ac â phennu rhywogaethau sy'n fectorau;
- Penderfyniad y Comisiwn 2008/392 sy'n gweithredu Cyfarwyddeb y Cyngor 2006/88/EC mewn perthynas â thudalen wybodaeth ar y Rhynggrwyd er mwyn trefnu bod gwybodaeth am fusnesau cynhyrchu ym maes dyframaeth a sefydliadau prosesu awdurdodedig ar gael drwy dulliau electronig;
- Penderfyniad y Comisiwn 2008/896 ar ganllawiau ar gyfer y cynlluniau cadw gwylidwriaeth sy'n seiliedig ar risg mewn perthynas ag iechyd anifeiliaid ac y darperir ar eu cyfer yng Nghyfarwyddeb y Cyngor 2006/88/EC;
- Penderfyniad y Comisiwn 2008/946 sy'n gweithredu Cyfarwyddeb y Cyngor 2006/88/EC mewn perthynas â'r gofynion ar gyfer cadw anifeiliaid dyframaeth mewn cwarantîn;
- Penderfyniad y Comisiwn 2009/177 sy'n gweithredu Cyfarwyddeb y Cyngor 2006/88/EC mewn perthynas â rhaglenni gwylidwriaeth a rhaglenni dileu a statws diglefyd Aelod-wladwriaethau, parhtau a chompartmentau;
- Penderfyniad y Comisiwn 2010/221 sy'n cymeradwyo mesurau cenedlaethol ar gyfer cyfyngu ar effaith clefydau penodol mewn anifeiliaid dyframaeth ac anifeiliaid dyfrol gwyllt yn unol ag Erthygl 43 o Gyfarwyddeb y Cyngor 2006/88/EC;
- Penderfyniad y Comisiwn 2015/1554 sy'n pennu rheolau ar gyfer cymhwysio Cyfarwyddeb 2006/88/EC mewn perthynas â dulliau gwylidwriaeth a dulliau diagnostig;
- Rheoliad y Cyngor (EC) 708/2007 sy'n ymwneud â defnyddio rhywogaethau estron a rhywogaethau sy'n absennol yn lleol mewn dyframaeth, a

- Rheoliad y Comisiwn (EC) Rhif 535/2008 sy'n pennu rheolau manwl ar gyfer gweithredu Rheoliad y Cyngor (EC) Rhif 708/2007 sy'n ymwneud â defnyddio rhywogaethau estron a rhywogaethau sy'n absennol yn lleol mewn dyframaeth.

Unrhyw effaith y gall yr OS ei chael ar gymhwysedd deddfwriaethol y Cynulliad a/neu ar gymhwysedd gweithredol Gweinidogion Cymru

Mae'r OS o fewn cymhwysedd datganoledig, fodd bynnag, o dan yr amgylchiadau eithriadol hyn pan fo gofyn inni ystyried a chywiro nifer digyffelyb o ddarnau deddfwriaeth o fewn amserlen dynn gan ddefnyddio adnoddau cyfyngedig, egwyddor gyffredinol Llywodraeth Cymru yw ein bod yn gofyn i Lywodraeth y DU ddeddfu ar ein rhan ar gyfer nifer mawr o offerynnau statudol.

Mae darpariaeth yn yr OS hwn sy'n galluogi Gweinidogion Cymru i arfer swyddogaethau o ran Cymru yn ddilyffethair ac i Weinidogion Cymru roi cydsyniad i'r Ysgrifennydd Gwladol arfer swyddogaethau o ran Cymru.

Byddai swyddogaethau a drosglwyddir i'r Ysgrifennydd Gwladol â chydsyniad yn gyfystyr â swyddogaethau un o Weinidogion y Goron at ddibenion Atodlen 7B i Ddeddf Llywodraeth Cymru 2006. Mae'n bosibl, felly, fod hynny'n ystyriaeth berthnasol yng nghyd-destun cymhwysedd y Cynulliad i ddeddfu yn y meysydd hyn yn y dyfodol.

Diben y diwygiadau

Diben yr offerynnau hyn (y weithdrefn negyddol), i'w cyflwyno gan Adran yr Amgylchedd, Bwyd a Materion Gwledig (DEFRA), fydd sicrhau bod deddfwriaeth yr UE sy'n ymwneud ag iechyd anifeiliaid dyfrol a rhywogaethau estron a rhywogaethau sy'n absennol yn lleol mewn dyframaeth yn parhau i fod yn weithredadwy ar ôl i'r DU ymadael â'r UE. Ni fydd yr offerynnau hyn yn cyflwyno unrhyw newidiadau polisi.

Mae'r OSau a'r Memoranda Esboniadol cysylltiedig sy'n nodi effaith pob diwygiad i'w gweld yma: <https://www.gov.uk/eu-withdrawal-act-2018-statutory-instruments/the-aquatic-animal-health-and-alien-species-in-aquaculture-amendment-etc-eu-exit-regulations-2018>

Pam y rhoddwyd cydsyniad

Rhoddwyd cydsyniad i Lywodraeth y DU wneud y cywiriadau hyn o ran, ac ar ran, Cymru am resymau'n ymwneud ag effeithlonrwydd, hwylustod ac oherwydd natur dechnegol y diwygiadau. Mae'r diwygiadau wedi cael eu hystyried yn llawn; ac nid oes unrhyw wahaniaeth o ran polisi. Diben y diwygiadau hyn yw sicrhau bod y llyfr statud yn parhau i weithio ar ôl i'r DU ymadael â'r UE. Mae hyn yn unol â'r egwyddorion ar gyfer cywiro y cytunwyd arnynt ym mis Mai gan Is-bwyllgor y Cabinet ar Bontio Ewropeaidd.